



Кун нафаси

Ўзбекистон Республикаси Президенти Шавкат Мирзиёев 15 март куни Қозоғистон Республикаси Президенти Қасим-Жомарт Тоқаев билан телефон орқали мулоқот қилди.

Наманган вилояти ҳокими Шавкат Абдуразоқов ва БААнинг «Pioneer Vision Group» холдинги бошқарув раиси ўринбосари Муҳаммад Ол Шериф ўртасида учрашув бўлиб ўтди.

Корея Республикасининг Сеул шаҳрида «Ўзбекино» Миллий агентлиги бунортмасига биноан режиссёр Аюб Шахобиддинов томонидан суратга олинган «Рангсиз тушлар» фильми намойиш этилди.

Самарқандда ўтказилган «Имом Бухорий меросининг ўзига хос хусусиятлари ва бугунги кундаги тарбиявий аҳамияти» мавзусидаги халқаро анжуманда совға алмашиш чоғида Афғонистон Ислоҳ Республикаси Иршод, ҳаж ва вақф ишлари вазири Муҳаммад Қосим Ҳалимий вилоят ҳокими Э.Турдимовга вазирликнинг эсдалик медалини топширди.

Искандар Аҳмедов Навоий вилояти ҳокимининг матбуот котиби – ахборот сиёсати масалалари бўйича маслаҳатчиси этиб тайинланди.

Тошкент фотолар уйида Маданият вазирилик, Франциянинг мамлакатимиздаги элчихонаси ҳамда Бадий академия ҳамкорлигида «Ипак йўли бўйлаб замонлар оша» номли фотокўргазманинг очиш маросими бўлиб ўтди.

Интернет хабарлари асосида тайёрланди

# Ishonch

Юрт тараққиёти йўлида бирлашайлик!

2021 йил  
16 март  
сешанба  
№ 34  
(4474)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

Давлатимиз раҳбари ташаббуси билан жорий этилган хайрли иш – «Аёллар дафтари»нинг юритилиши, у орқали хотин-қизларнинг муаммоларига ечим изланиш жараёни барча ҳудудларда тизимли давом этмоқда. Аини вақтда Президентимизнинг топшириғига асосан Ўзбекистон касаба уюшмалари Федерацияси ходимлари ва жамоатчилик вакилларида иборат ишчи гуруҳ «Аёллар дафтари»ни шакллантиришнинг аҳволи, хотин-қизлар муаммолари, қизиқиш ва эҳтиёжларини таҳлил қилиш ҳамда ҳал этиш борасидаги ишлар сифатини ўрганишни бошлади. Хўш, вазият қандай? Барчаси кўнгилдагидекми? Аёлларни қийнаётган муаммолар нималардан иборат? Ишчи гуруҳ фаолиятдан тайёрланган лавҳаларда бу саволларнинг жавоби акс этган.



Ишчи гуруҳ фаолияти

## «АЁЛЛАР ДАФТАРИ»НИ ВАРАҚЛАГАНДА...

Ўзбекистон касаба уюшмалари федерациясида кун-у тун фаолият кўрсатадиган

# 12-11

қисқа рақамли «Ишонч телефони», яъни «Call-center»га

мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



Фарғона вилояти

«Ishonch» кўзгуси

## Бешариққа бегона қишлоқ

«Абдувай» маҳалласидаги Янгиқишлоқ Бешариқ тумани марказидан 17 километр олисда жойлашган. Бугун қишлоқ аҳли муаммолар гирдобида яшамоқда, десак аини ҳақиқатни айтган бўлаемиз.



Ҳақ шундаки, 21 йил давомида табиий газдан баҳра олиб келган қишлоқ аҳли 2018 йилга келиб, табиий газ тармоғидан узиб қўйилди. Эмишки, «Абдувай» МФЙ табиий газ таъминоти учун қониқарсиз ҳудуд экан. Ваҳоланки, маҳалладан нари борса 700 метр узоқликда катта газ тақсимлаш иншооти бор. Қизиги, аинан шу газ тақсимлаш иншоотидан «Абдувай» маҳалласига қўшни Қашқар, Янгиқўрғон қишлоқларига газ етказиб берилади. Қишлоқ аҳли бу муаммони кўтариб бормасан, ёзмаган ташкилотлари қолмади ҳисоб. – Газимизни улаб беринг, деб идорама-идора роса югурдик, – дейди София Қўчимова. – Лекин ҳеч бир мутасадди жон куйдиргани йўқ. Тўғри, суюлтирилган газ етказиб берилади. Лекин бу газ баллонда уйни иситиб бўлмайди-да! Газ йўқли-

гидан мева бераётган ўрик дарахтимизни ёқиб, базўр қишдан чиқиб олдик. Янгиқишлоқликлар фақат табиий газ муаммосидан эмас, тоза ичимлик суви йўқлигидан ҳам азият чекмоқда. Бундан икки йил олдин кўчаларга сув тармоқлари тортилган бўлса-да, лекин ундан бир томчи ҳам оби ҳаёт оққан эмас. Кўча бўйларига ўрнатилган водопровод жўмраклари эса худди кўрғазмага ўрнатилгандай. Қишлоқ аҳли қишин-ёзин 2-3 километр узоқликдан сув ташиб келиб ичади. Айрим пайтлари эса иложсизликдан ёнларидан оқиб ўтадиган Катта Фарғона каналининг сувидан ичишга мажбур бўлишади. Маҳалла аҳли билан суҳбат асноси билдикки, тоза ичимлик суви, табиий газ муаммосидан ташқари томорқа ерларини сўғориш

ҳам жуда қийин экан. Маҳалла аҳлининг таъкидлашича, октябрь ойидан бери ариққа сув келмабди. Шу боис, томорқада деҳқончилик қилиш анчайин мушкул. Ўз-ўзидан савол туғилади: аҳоли муаммоларини ҳал қилишга депутатлар, туман мутасаддилари нега жим қараб туришибди? Бугун маҳаллама-маҳалла юрган масъуллар Янгиқишлоққа ҳам қадам ранжиди қилармикан? Уларнинг муаммоларини эшитиб, дардларига қўлоқ тутармикан? Хуллас, қишлоқдаги муаммоларни ҳал қилиш мутасаддиларнинг ташаббуси ва ғайратига боғлиқ. Биз эса, албатта, бу мавзуга яна қайтамиз...

Жамшид ЭРГАШЕВ, «ISHONCH»

Жиззах вилояти Спорт



Таълим ва фан ходимлари касаба уюшмаси Мирзачўл тумани кенгаши ҳамкор ташкилотлар билан биргаликда спортнинг волейбол, стол тенниси, шахмат, шашка ва бошқа турлари бўйича умумтаълим мактаблари ва давлат мактабгача таълим ташкилотларида фаолият юритаётган аёллар ўртасида мусобақа ташкиллаштирди. Мусобақалар қизгин ва мурасасиз кечди. Иштирокчилар фаол қатнашиб, ғолибликка эришиш учун барча имкониятларни ишга солишти. Тадбир сўнггида ғолиб жамоалар ва иштирокчилар эсдалик совғалари ва дипломлар билан тақдирланди. Мурод БЕКҚУЛОВ, Таълим ва фан ходимлари касаба уюшмаси Мирзачўл тумани кенгаши раиси

Тошкент вилояти Эътибор

## УЛАР «КЎҲИНУР»ДА ХОРДИҚ ЧИҚАРМОҚДА

Аини пайтда Тошкент вилоятидаги «Кўҳинур» санаторийсида ўз саломатлигини тиклаётган жижзақлик Нортожи Аъзамова «Аёллар дафтари»га «тушган»лардан. У қарийб ўн беш йилдан буён Арнасой тумани ободонлаштириш бошқармасида фаолият юритиб келмоқда.

Шу вақтгача турмушидан, ҳаётидан, тақдиридан нолиган эмас. Иккинчи гуруҳ ногирони, беш нафар фарзанди бор. Турмуш ўртоғи оламдан ўтган. Жўжабирдай фарзандларини ёлғизликда вояга етказмоқда. Ишдан бўш вақти ёстиқ, кўрпа жилдлари тикиб сотади. Ҳовлига у-бу нарса экади. Хуллас, рўзгорнинг камини тўлдириш пайида. – Бундан бир неча кун илгари «Биздан нима ёрдам», деб эшигимизни тақиллатиб келганлар туфайли мана шундай сихат масканида ҳордиқ чиқаряпман, – дейди Н.Аъзамова. – Очиғи, шу пайтгача бунақа жойларга келмаганман. Аслида, аёлларни бахтли қилиш учун кўп нарса керак эмас. Бир чимдим меҳр ва эътибор кифоя. Самарқандлик Шахло Қодированинг гарчи дарди, ўй-ташвишлари етарли бўлса-да, мана шундай ғамхўрликдан боши осмонга етган. – Кўп йиллардан буён ободонлаштириш бошқармасида ишлашман. Очиғи, бундай жойларда дам олиш бизга орзу эди. Ҳукумат шунчалик қадрлаётганда турмушининг иқир-чикирларидан нолисақ бўлмас, – дейди ийманиб. Лекин унинг бир дарди бор. У ҳам бўлса, чап кўзи кўр-

майди. Шу ҳолида ҳам ҳеч қандай ногиронлик нафақаси олмабди. Иш жойида соғлом одамлар билан елкама-елка меҳнат қилмоқда. На ойлик маошда ва на иш жараёнида биронта имтиёзи бор унинг. Шундай бўлса-да, ҳеч кимга арзиқол қилмайди. Идоралар эшигини тақиллатиб, ёрдам сўраша ғурури йўл қўймайди. Қаранг, орамизда қандай аёллар бор! Афсуски, биз уларни ҳар доим ҳам илғамаймиз. Агар, шу «маҳаллабай», «хонадонбай» юриб, одамлар ҳолидан хабар олинмаганда эди, бундай опа-сингиллар ўз ёғига ўзи қоврилиб юраве-рарди. Токи орамизда шундай аёллар бор экан, бундай ўрганишларни ҳеч қачон тўхтатмаслик лозим. Дарвоқе, аини вақтда «Кўҳинур» санаторийсида юртимизнинг барча ҳудудларидан «Аёллар дафтари»га киритилган 60 нафардан ортиқ аёл бегул даволанмоқда. Ўн икки кунлик соғломлаштириш давомида дам олувчиларга тегишли даволаш муолажаларидан ташқари, турли маданий-маърифий тадбирлар, диққатга сазовор қадимжоларга саёҳатлар ҳам уюштирилади. Ғулмжон МИРАҲМЕДОВ, «ISHONCH»



Қашқадарё вилояти Ташаббус

## Ўқувчилар боғи

Касби туманидаги 58-мактабнинг 4-синф ўқувчилари синф раҳбари Гулбаҳор Қаршиева бошчилигида Султон Мирҳайдар ота зиёратгоҳига дарахт кўчатлари ўтқозишди. Шу тариқа ушбу масканда ўқувчилар боғи ташкил қилинди.

Эътиборлиси, ўқитувчи ва ўқувчилар зиёратгоҳгача бўлган 20 километрлик масофани веломарафон тарзида босиб ўтишди. Яна бир муҳим воқелик борки, бу ҳам мушоҳада юритишга арзигулик. Яъни саёҳат олдида ҳар бир ўқувчи «Ийғирма йил ичида орзумга етай» деган мавзуда иншо битиб, уни конвертга солган ҳолда ўқитувчисига беришди. Унда нималар ёзилгани фақат ўқувчиларнинг ўзларига маълум. Келишилдики, муҳрланган конвертлар 20 йилдан сўнг – 2041 йилда очилади. – Шогирдларимнинг қалби орзуларга тўла, – дейди фидойи муаллима Гулбаҳор Қаршиева. – Қаранг, улар аини пайтда соғли туфайли дарсларга онлайн қатнашаётган синфдоши учун қайғуриб дуо қилишмоқда. Жажжи юраклари меҳр-шафқатга тўла эканидан мени ҳам ҳаяжон чулғаб олмоқда. Веломарафонни уюштиришдан мақсад – Президентимиз белгилаб берган бешта ташаббусдан бири бўлган спортни оммалаштиришга муносиб ҳисса қўшиш.

Акмал АБДИЕВ, «ISHONCH»

Келгуси сонларда ўқинг...

УСТАСИ ФАРАНГ УСТАБУЗАРМОНЛАР

ЗЕРИКАЁТГАН ОДАМ (Эссе)

ЮЗ ФОИЗЛИК МУҲАББАТ





